

**ՀԱՐԿԱՅԻՆ ՎԱՐՉԱՐԱՐՈՒԹՅԱՆ ԸՆԹԱՑՔՈՒՄ ՀԱՐԿԱՅԻՆ ԻՐԱՎԱՆԱԽՏՈՒՄ ՀԱՅՏՆԱԲԵՐԵԼՈՒՑ
ԱՆՄԻՋԱՊԵՍ ՀԵՏՈ ՀԱՐԿԱՅԻՆ ՄԱՐՄՆԻ ՊԱՏԱՍԽԱՆԱՏՈՒ ՊԱՇՏՈՆԱՏԱՐ ԱՆՁԻ ԿՈՂՄԻՑ ԿԱԶՄՎՈՂ
ԱՐՁԱՆԱԳՐՈՒԹՅՈՒՆ N 445/2020/ԿՈՒՎ4/Ա**

ք. Երևան

08/02/2021

1. Գրիգոր Թորոսյան

(հարկային իրավախախտումը կատարած անձի անունը, ազգանունը)

2. ք. Երևան, Իսակովի 23/41

(բնակության (գտնվելու վայրի) հասցեն)

3. AM0552684

(ֆիզիկական անձի անձնագրային տվյալները և/կամ/ հանրային ծառայությունների համարանիշը)

4. Հարկային իրավախախտումների նկարագրությունը, ժամանակահատվածը, ձեռքբերված տեղեկությունները և այն իրավական նորմերը, որոնց պահանջները չեն պահպանվել,

ՀՀ ՊԵԿ մաքսային մարմինների կողմից ստացված տեղեկությունների համաձայն՝ Գրիգոր Թորոսյանի կողմից **01/07/2019թ.** ԵՏՄ անդամ պետությունից ՀՀ տարածք են ներմուծվել **2,480,758** ռուսական ռուբլի ինվոյսային արժեքով, **8415 ԱՏԳ ԱԱ** ծածկագրին դասվող, օդորակման համար նախատեսված կայանքներ:

Ձեր կողմից ներմուծված ապրանքները գերազանցել են ՀՀ կառավարության 2018թ. օգոստոսի 09-ի «ՀՀ օրենքով սահմանված կարգով անհատ ձեռնարկատեր չհանդիսացող ֆիզիկական անձանց կողմից ՀՀ ներմուծվող ապրանքների ակնհայտ առևտրային չափաքանակներն ու ներմուծման հարկային հայտարարագիր ներկայացնելու և անուղղակի հարկերի վճարումն իրականացնելու պարտավորության վերաբերյալ» թիվ 865-Ն որոշման N 1 հավելվածով սահմանված ակնհայտ առևտրային չափաքանակները, ուստի Դուք՝ ՀՀ հարկային օրենսգրքի (այսուհետ՝ Օրենսգրք) 59-րդ հոդվածի 6-րդ կետի համաձայն՝ պարտավոր էիք ՀՀ կառավարության 2015թ. հուլիսի 30-ի N865-Ն որոշմամբ սահմանված չափաքանակը գերազանցող մասի համար հարկային մարմին ներկայացնել ներմուծման հարկային հայտարարագիր ու վճարել արդյունքում առաջացող ավելացված արժեքի հարկը՝ մինչև ապրանքները ՀՀ տարածք փաստացի ներմուծելու օրն ընդգրկող ամսվան հաջորդող ամսվա 20-ը ներառյալ:

5. Ձեռքբերված տեղեկությունների սահմաններում պարտավորության նախնական հաշվարկը և պատասխանատվության կիրառման իրավական հիմքերը

Ֆիզիկական անձի կողմից 2019 թվականի ընթացքում ներմուծման գործարք(ներ)ի մասով ներմուծման հարկային հայտարարագիր չի ներկայացվել և չի վճարվել ԱԱՀ-ի գումարը, նման պայմաններում հարկային պարտավորությունների հաշվարկը կատարվում է հետևյալ կերպ.

ՀՀ կառավարության թիվ 865-Ն որոշման համաձայն՝ ֆիզիկական անձի կողմից ՀՀ տարածք ներմուծված ԱՏԳ ԱԱ 8415 ծածկագրին դասվող ապրանքների մասով կիրառվել է (2 հատ թույլատրելի չափաքանակի համար) արտոնություն՝ 823,544 ռուսական ռուբլի (6,236,499 ՀՀ դրամ) և 221,846 ռուսական ռուբլի (1,679,374 ՀՀ դրամ) ինվոյսային արժեքներով:

Օրենսգրքի 16-րդ հոդված 2-րդ կետի համաձայն՝ ներմուծված ապրանքների մասով արտարժույթը հաշվարկվել է Հայաստանի Հանրապետության կենտրոնական բանկի հրապարակած՝ արժույթային շուկաներում ձևավորված միջին փոխարժեքով, հիմք ընդունելով Հայաստանի Հանրապետության կենտրոնական բանկի կողմից մինչև տվյալ օրվա ժամը 16:00-ն հրապարակված միջին փոխարժեքը, արդյունքում 30.06.2019 թվականի դրությամբ 1 ռուբլին հաշվարկվել է 7.57 ՀՀ դրամ:

Օրենսգրքի 60-րդ հոդվածի 1-ին մասի 4-րդ ենթակետի և 61-րդ հոդվածի 3-րդ կետի համաձայն՝ ԵՏՄ անդամ պետությունից ՀՀ ԵՏՄ ապրանքի կարգավիճակ ունեցող ապրանքի ներմուծման դեպքում ԱԱՀ-ով հարկման բազա է համարվում ներմուծվող ապրանք(ներ)ի ձեռքբերման արժեքը, արդյունքում Օրենսգրքի 63-րդ հոդվածի 1-ին կետի համաձայն կհաշվարկվի ԱԱՀ՝ 20 տոկոս դրույքաչափով՝ 2,173,147 դրամ գումարի չափով [(2,480,758- (823,544+221,846)X7.57 X 20%]:

Օրենսգրքի 401-րդ հոդվածի համաձայն (մինչև 14.05.2020 գործող խմբագրությունը)՝ հարկի վճարումը սահմանված ժամկետից ուշացնելու դեպքում ժամկետանց յուրաքանչյուր օրվա համար հարկ վճարողը վճարում է տույժ՝

0.075 տոկոսի չափով, որը կազմում է՝ 396,056 դրամ $[2,173,147 \times 0,075\% \times 243 \text{ օր}]$, 2020թ.-ի ապրիլի 20-ից հետո հարկի վճարումը սահմանված ժամկետից ուշացնելու դեպքում ժամկետանց յուրաքանչյուր օրվա համար հարկ վճարողը վճարում է տույժ՝ 0.04 տոկոսի չափով, որը 08.02.2021 թվականի դրությամբ կազմում է՝ 255,562 դրամ $[2,173,147 \times 294 \text{ օր} \times 0.04\%]$:

Այսպիսով, Գրիգոր Թորոսյանի հարկային պարտավորության չափը 08.02.2021 թվականի դրությամբ կազմում է 2,824,765 դրամ, որից ԱԱՀ՝ 2,173,147 ՀՀ դրամ և տույժ՝ 651,618 ՀՀ դրամ:

Հարկային պարտավորությունները հաշվարկվել են 08/02/2021 թվականի դրությամբ և ենթակա են վերահաշվարկման լրացուցիչ նյութերի ու փաստաթղթերի առկայության և ներկայացման դեպքում:

ՀՀ ՊԵԿ ՀՏՈՎ վարչության ԿՈՒՎ թիվ 4 բաժնի հարկային տեսուչ



Տաթև Մխիթարյան